

# 《佛說無量壽經》 補充講表

## ◎附表十八：

○神智洞達，威力自在，能於掌中，持一切世界。

\*《維摩結經》不思議品第六云：「又舍利弗！住不可思議解脫菩薩，斷取三千大千世界，如陶家輪著右掌中，擲過恒河沙世界之外，其中眾生不覺不知已之所在。又復還置本處，都不使人有往來想，而此世界本相如故。」

## ○七寶諸樹

\*《華嚴經》離世間品云：「菩薩妙法樹，生於直心地。信種慈悲根，智慧以為身，方便為枝幹，五度為繁密，定葉神通華，一切智為果。」

○得三法忍：一者音響忍，二者柔順忍，三者無生法忍。

一、音響忍：由音響而悟解真理者。《佛說無量壽經義疏》曰：「尋聲悟解，知聲如響，名音響忍。」

二、柔順忍：心柔智順，於實相之理不乖違，故云柔順。

三、無生法忍：證無生之實性而離諸相者。

\*《華嚴疏鈔》卷五十二云：「前第七地雖除分別有無之心，猶見己心以為能觀，如為所觀。……故有功用。」

\*《華嚴經》十地品云：「無分別如如智之所入處，離一切心意識分別想，無所取著，猶如虛空，入一切法如虛空性，是名得無生法忍。……佛子！菩薩成就此忍，即時得入第八不動地，為深行菩薩。……」

此菩薩摩訶薩亦復如是，住不動地，即捨一切功用行，得無功用法。」